

Odgovorit

**JZU BOLNICA „SVETI VRAČEVI“
BIJELJINA**

Broj: 1042 /23

Dana: 28.02.2023. godine

Na osnovu člana 100. stav (3) Zakona o javnim nabavkama BiH, a povodom žalbe žalioca „Rauche medical“ d.o.o. Medical broj 922/23 od 24.02.2023. godine u Otvorenom postupku javne nabavke broj 7541/22 za nabavku robe – Potrošni materijal za anesteziju (broj obavještenja 106-1-1-642-3-176/22), donosi se

ODLUKA

I

Usvaja se žalba žalioca broj 922/23 od dana 24.02.2023. godine izjavljena na Odluku o izboru najpovoljnijeg ponuđača broj 7541/22 od 14.02.2023. godine u postupku javne nabavke broj 7541/22 – Potrošni materijal za anesteziju (broj obavještenja 106-1-1-642-3-176/22).

II

Stavlja se van snage Odluka o izboru najpovoljnijeg ponuđača broj 7541/22 od 14.02.2023. godine u dijelu koji se odnosi na LOT 10 – LARINGEALNA MASKA.

III

Ovom Odlukom ugovor za LOT 10 se dodjeljuje ponuđaču koji je dostavio kvalifikovanu i ekonomski najpovoljniju ponudu „Rauche medical“ d.o.o. Mostar kao ponuda sa najvećim brojem bodova i to 100, ukupna vrijednost ponude 972,20 km bez pdv-a, odloženo plaćanje 60 dana.

IV

Ova odluka stupa na snagu danom donošenja.

Obrazloženje

Dana 24.02.2023. godine pod brojem protokola Ugovornog organa 922/23 zaprimljena je žalba žalioca „Rauche medical“ d.o.o. Medical , izjavljena na na Odluku o izboru najpovoljnijeg ponuđača broj broj 7541/22 od 14.02.2023. godine u Otvorenom postupku javne nabavke broj 7541/22 – Potrošni materijal za anesteziju, broj obavještenja 106-1-1-642-3-176/22 objavljeno na Portalu javnih nabavki 16.11.2022. godine.

Žalba se izjavljuje zbog pogrešno i nepotpuno utvrđenog činjeničnog stanja, pogrešne primjene materijalnog prava, bitne povrede odredaba postupka javne nabavke. Pobijanom Odlukom o odabiru odabrana je ponuda „Stepmed“ d.o.o. Banja Luka.

Žalilac navodi da ima pravni interes i aktivnu legitimaciju za podnošenje žalbe, te da jedini udovoljava traženim tehničkim karakteristikama predmeta nabavke za LOT 10, za šta nudi dokaz: Potvrdu Agencije za lijekove i medicinska sredstva BiH broj: 06-07.4-1-7481-2/21 od 15.12.2021. g.

Ponuđeni proizvodi odabranog ponuđača, „Stepmed“ d.o.o. Banja Luka ne odgovaraju traženim tehničkim karakteristikama iz Aneksa I-10, konkretno za st. 1. vel.3, I-GEL, za st.2: vel. 4, I-GEL, za st. 3. vel. 5, I-GEL, tvrdi žalilac i navodi da je I-gel patentirani proizvod proizvođača Intersurgical i to je jednokratni suproglotički tubus čija je glava izrađena od materijala sličnog gelu koji oblikom anatomske odgovara perilaringealnom prostoru i ne sadržava zračni balon. To je proizvod koji ne sadržava latex i PVC budući da je PVC najtvrdi materijal, a nakon toga i silikon, te da isti prilikom upotrebe stvaraju veće traume pacijentima pri intubaciji, te je stoga I-gel proizvod koji je izrađen od medicinske kategorije termoplastičnog elastomera koji sprječava i umanjuje mogućnost traume pacijenta prilikom upotrebe.

Žalilac dalje navodi da je izvršio uvid u ponudu odabranog ponuđača, te utvrdio da je ponudio laringealne maske koje sadrže PVC i silikon što je vidljivo iz Potvrde Agencije za lijekove i medicinska sredstva BiH od 07.10.2022., međutim odabrani ponuđač nije dostavio Rješenje Agencije kojim potvrđuje da udovoljava traženim tehničkim karakteristikama predmeta nabavke koji se nalaze u Aneksu I-10, te stoga Ugovorni organ nije mogao u postupku pregleda ponuda, kao što ni Žalitelj nakon uvida u ponude, provjeriti da li ponuđeni proizvod Odabranog ponuđača udovoljava i ostalim tehničkim specifikacijama I-gela, međutim jasno je da se ne radi o ekvivalentnom proizvodu koji je ponudio Žalitelj i koji udovoljava traženim karakteristikama.

Žalilac tvrdi da je Ugovorni organ pogrešno utvrdio činjenično stanje kada je zaključio da ponuđeni proizvodi Odabranog ponuđača udovoljavaju traženim tehničkim specifikacijama Aneksa I-10 Tenderske dokumentacije.

Iz navedenih razloga žalilac traži da Ugovorni organ usvoji žalbu Žalitelja i donese odluku kojom se stavlja izvan snage Odluka o izboru najpovoljnijeg ponuditelja za nabavku Laringealne maske (Lot 10) broj 728/23 od 14.02.2023. godine kojom je odabrana ponuda „Stepmed“ d.o.o. Banja Luka, te da donese Odluku o izboru ponude žalitelja „Rauche medical“ d.o.o. Mostar kao najpovoljnijeg ponuditelja za nabavku robe – „Potrošni materijal za anesteziju“, Laringealna maska (lot 10).

Žalba je osnovana.

Ugovorni organ je u skladu sa članom 100. stav (1) Zakona o javnim nabavkama BiH, prije ispitivanja žalbenih navoda utvrdio da je Žalba dopuštena, blagovremena i izjavljena od strane ovlaštenog lica i od lica koje ima aktivnu legitimaciju.

Nakon pomenutih konstatacija, Ugovorni organ je pristupio utvrđivanju osnovanosti žalbenih navoda, te je utvrdio da je žalba osnovana u cjelosti.

Ugovorni organ konstatuje da je Aneksom I -10 (Laringealne maske) Tenderske dokumentacije traženo:

- st. 1. Laringealna maska vel.3, I-GEL ili ekvivalent sterilno, pojedinačno pakovanje;
- st. 2. Laringealna maska vel.4, I-GEL ili ekvivalent sterilno, pojedinačno pakovanje;
- st. 3. Laringealna maska vel.5, I-GEL ili ekvivalent sterilno, pojedinačno pakovanje.

Ugovorni organ je izvršio ponovni uvid u ponudu odabranog ponuđača „Stepmed“ d.o.o. Banja Luka, te utvrdio da je isti ponudio laringealne maske proizvođača Guangzhou AMK Medical Equipment Co. Kina, te dostavio katalog proizvođača u kome je označio karakteristike proizvoda koje nudi i to:
- **Disposable Silicone Laryngeal Mask Airway** u veličinama 3, 4 i 5 kao i Potvrdu Agencije za lijekove i medicinska sredstva BiH br. 06-07.4-1-7924-1/22 od 07.10.2022. godine u kome su navedeni ponuđeni proizvodi i to:

- r.b. 1. **Silicone Disposable Laryngeal Mask Airways** (Laringealni vazdušni put sa maskom, jednokratni), vel. 3, kataloški broj MC-08330;
- r.b. 16. **Silicone Disposable Laryngeal Mask Airways** (Laringealni vazdušni put sa maskom, jednokratni), vel. 5, kataloški broj MC-08350;
- r.b. 18. **Silicone Disposable Laryngeal Mask Airways** (Laringealni vazdušni put sa maskom, jednokratni), vel. 4, kataloški broj MC-08340.

Uvidom u dostavljene dokaze tehničke i profesionalne sposobnosti ponuđača „Stepmed“ d.o.o. Banja Luka za lot 10 – Laringealne maske Ugovorni organ je utvrdio da su žalbeni navodi žalioaca osnovani. Ponuđač „Stepmed“ d.o.o. Banja Luka ponudio proizvode koji ne ispunjavaju uslove zadane tehničkom specifikacijom, te se njegova ponuda u skladu sa članom 68. stav 4) tačka (i) odbacuje jer nije potpuna i ne ispunjava zahtjeve iz tenderske dokumentacije.

Na osnovu utvrđenog činjeničnog stanja Ugovorni organ je pristupio ponovnom pregledu i ocjeni ponuda te ugovor za lot 10 – laringealne maske dodijelio jedinjoj kvalifikovanoj ponudi ponuđača „Rauche medical“ d.o.o. Mostar kao ponudi sa najvećim brojem bodova i to 100, ukupna vrijednost ponude 972,20 km bez pdv-a, odloženo plaćanje 60 dana.

Na osnovu prethodno navedenog odlučeno je kao u dispozitivu.

Pouka o pravnom lijeku: Protiv ovog rješenja, u skladu sa članom 100. stav (4) Zakona o javnim nabavkama BiH može se izjaviti žalba Kancelariji za razmatranje žalbi, posredstvom Ugovornog organa, u dovoljnom broju primjeraka u roku od 10 dana od dana prijema istog.



DIREKTOR

prof. dr Zlatko Maksimović